

錢塘縣志卷之十九

錢塘縣知縣南樂魏嶮纂

人物 名臣

大臣之後皆稱名臣仍其舊也其中勲名節概不一而要皆無忝於斯名或經濟或讜直或清介或端方彪炳古今燦然在目其他則歸政事文苑諸志焉志

名臣

齊

范述魯

字子元幼從餘杭呂道惠受五經道惠曰此子必為王者師齊高帝引為竟陵王師友謔多

錢塘縣誌

卷之十九

人物名臣

一

所諫爭沈約以方汲黯明帝時為永嘉太守廉平不尚威猛毗俗便之所部橫陽縣山谷嶮峻為逋逃藪述曾下車開示恩信凶黨襁負而出編屬籍者二百餘家召為遊擊將軍郡送錢二十餘萬一無所取惟得白桐木火籠朴十餘枚而已吏無荷擔父老號哭聞數十里生平所得俸祿皆以分施及老壁立無資天監中卒所註易文言著雜詩賦數十篇

梁

杜之偉

字子大家世以三禮專門父規梁奉朝請與濟陽江革會稽孔休源友善之偉少精敏有逸才

七歲受尚書十五遍觀文史及儀禮故事時革稱其早成僕射徐勉嘗見其文重其有筆力梁武帝幸同泰寺捨身勅勉撰儀注勉以先無此禮召之偉草具其儀及補東宮學士皇太子釋奠於國學時樂府無孔子顏子登歌詞令之偉撰文伶人傳習以為故事之偉年位甚卑特以強識俊才頗有名當世吏部尚

書張纘深知之以為廊廟之器陳武帝為丞相素重其名召補記室叅軍遷中書侍郎領大著作及受禪除鴻臚卿餘並如故再遷大中大夫仍勅撰梁史卒於官有文集十七卷

隋

褚亮

字希明博觀圖史經目不忘年十八詣陳僕射徐陵與語異之後主召見即席賦詩江總諸人皆

服其工入隋為太常博士煬帝議改廟制亮請依古七廟而太祖高祖各一殿法周文武二祧與始祖而三餘則分室而祭始祖二祧不從迭毀未及行坐與楊玄感善貶西海司戶時博士潘徽貶威定主簿亮與俱至隴山徽死為歛瘞後為唐秦王府十八學士之一高祖親格虎亮懇愾致諫帝納其言王每征伐亮在軍中嘗預秘謀有裨輔之益卒年八十一贈太常卿陪葬昭陵謚曰康

唐

錢塘縣誌

卷之十九

人物名臣

二

褚璆

字伯玉尚書僕射遂良之曾孫也擢進士第累拜監察御史裏行簪筆柱下凜然有搏擊鷹鷂之志

權貴為之脅息先天中突厥圍北庭詔璆持節監總督諸將璆指授方畧一戰大破之追奔逐北數十里鹵獲過當捷聞玄宗大喜遷侍御史拜禮部員外郎氣象凝挺不減在臺時

吳越

元德昭

字明遠本姓危父仔昌刺信州奔吳越錢鏐為易今姓方學文其師曰爾才可以為王侯錢鏐授

以文體林鼎薦之元瓘與語謂鼎曰德昭有輔弼之才吾子孫無憂矣遂掌文翰開運初用師南閩兵機細務悉以委之尋拜國相因俶顯德初師毘陵吳程執趙仁澤送錢塘德昭憐其患力救免死治家以孝友聞卒贈太保孫奉宗字知禮及第知通州海門縣地苦斤鹵奉宗為鑿池注甘泉人甚利之天性恬靜樂富春佳山水遂卜居焉

宋

崔仁冀

字子遷，事錢俶為通儒院學士。太祖嘗諭旨：冀說俶曰：「主上英武，所向無敵，保族全名，上策也。」俶然之。太宗時，俶與仁冀決策，納士上以仁冀為淮南節度使，俶薦其才，擢衛尉卿，判大理寺，移知撫州卒。

李用和

字審禮，章懿皇太后弟也。少窮困，居京師，鑿紙錢用和，悉用為軍費。歷節度使，同中書門下平章事。景靈宮使，以疾告未，有居第詔，假以惠寧坊之官第。卒，贈太師，中書令，隴西郡王，謚恭僖。御製神道碑曰：親賢之碑，列位將相，小心靜默，推遠權勢，論者以此之稱。

錢惟演

字希聖，俶之子。幼有俊才，從俶歸朝，為右屯衛將軍，博學能文，辭召試學士院，以笏起草立就。

錢塘縣誌

卷之十九

人物名臣

三

真宗稱善，擢太僕少卿，獻咸平聖政錄，命直秘閣，預修冊府元龜。大中祥符八年，擢知制誥，翰林學士。累遷兵部樞密使，除大名軍節度使，知河南、加同平章事。判許州，上耕籍，入侍尋以景靈宮使判河南，改鎮崇信卒。贈侍中，謚文僖。惟演出于勲貴，文章清麗，名與楊億、劉筠相上下。於書無不讀，嘗曰：「學士備顧問，不可不該博。」故其家聚書，牟於秘府，所著有典懿集、樞庭擢髦前後集、伊川漢上集、金坡遺事錄、飛白書、叙錄逢辰錄、奉藩書事諸書。

李璋

字公明，以章懿太后恩，補三班借職，積官為太平軍節度觀察，留後，知澶州，護塞商口，會河漲訛言。水且至，璋據廳事，自若。人心乃安。河亦不溢。徙曹州。觀察使，累遷武勝軍節度使，殿前都指揮使。仁宗書忠孝，李璋字并秘書，賜之宴。近臣瓊、玉、殿、酒、命、大、蓋、二、飲、韓、琦、及、璋、如、有、所、屬、帝、崩、執、政、欲、增、京、營、甲、士、璋、曰：「例出累代，不宜輕易。」時禁衛相告：「乾興故事，內給食物，中有金，既而果賜食，衆視食中，璋曰：「天子。」

未臨政已優賞汝何功復云中敢喧者斬眾乃定知

鄆州京東盜白日殺人道中璋信賞擒捕盜為衰

止歲大雨水競以船筏邀利多溺死者璋一切籍之

約所載如黃河法發卒城州西闕調夫修路數十里

夾道植柳人指為李公柳坐失舉改節振武軍

知郢州還朝道卒年五十三贈太尉謚曰良惠

**强至**字幾聖少有志節殫心問學至忘寒暑鄉試為舉

素受知韓琦琦鎮京兆常引至自助琦乞不散青苗

神宗聞奏曰此必强至文也一日琦行一事不關白

簽廳翌日自言不稱職力辭去琦謂小事故爾至日

小事尚爾何况大事遜謝數白乃肯留有文集二十

卷子浚明淵明陟明皆登進士

**錢藻**字醇老吳越王五世孫舉稅書登進士又舉賢良

方正英宗時為秘書校理三上書請太后歸政天

子神宗時累遷樞密直學士知開封府以慈恕簡靜

為本遷翰林侍讀學士元豐五年卒藻刻厲為學于

書無所不究見於文詞閑放雋偉為人清謹寡過立

朝無矯亢亦無雷同處勢利淡如也卒年六十一神

宗知其貧賻錢五十萬贈大中大夫

**錢勰**字穆文授流內銓主簿陳襄進班簿對神宗稱其

能將任以清要王安石使弟求見許以為御史勰

謝家貧母老不能為萬里行安石知其不附已命權

鹽鐵判官奉使高麗凡饋餼皆不納歸次紫燕島高

麗主三遣吏追餉金銀器四千兩勰辭之吏泣曰王

有命徒歸則死勰曰汝可死吾不可受元祐間為給

事中三知開封府有能名宗室貴戚皆斂手紹聖初

拜翰林學士兼侍讀勰常草章惇詞惇諷全臺攻

之罷知池州卒勰與蘇軾遊最久勰守越日軾守

杭州詩筒響答時人比之元白後入元祐黨籍守

**周式**字南栢元豐二年進士累官提舉秦鳳等路節

度使王厚弟孚通判秦州主饋運司挾厚勢一

切委吏嬉容自如役夫潰去朝廷命邦式體察劾奏

其事不少貸提點淮西刑獄徙西浙又徙江東京師

其

錢塘縣誌

卷之十九

人物名臣

四

大行土木命市殿材邦式言非地所產遂已有施  
者從其子官金陵與羣僚會飲醉矣斥宮禁事為  
讐家所告邦式被命治詔  
獄止坐遠徙不旁及一人

虞奕

字純臣元豐八年進士崇寧中提舉河北西路常  
平洛相飢徙東路入對上問行期對曰臣退即行

流民不以時復則來歲耕桑廢矣上悅西部盜起徙  
提刑自請討賊悉降之入為開封少尹故時開封治  
獄得請實蔽罪其後悉任情棄法奕言廷尉持天下  
平京師諸夏本法且不行何以示萬國請自今非情  
法實不相當毋得輒請實從之遷戶部侍郎內侍總  
領左藏予奪自顯視戶部如僚屬奕白宰相曰計臣  
不才當去之而易能者不可使他入侵其官即  
自劾不稱職詔為罷內侍卒贈龍圖閣大學士

虞策

字經臣登進士第調台州推官知烏程縣擢提舉  
利州路常平湖南轉運判官元祐五年召為監察

錢塘縣誌

卷之十九

人物名臣

五

持重者又乞詔內而省曹寺監外而監司守令各得以  
職陳朝政闕失百姓疾苦會星文有變乞順天愛民  
警戒萬事思治心修身之道勿以宴安為樂哲宗納  
后上正始要言遷左司諫權給事中禮部侍郎魯肇  
以議北郊事與朝論不合免為徐州策還其命以為  
肇禮官也不當以議禮得罪不從帝親政策還其命以為  
先者五十六事後多施行遷御史起居郎給事中  
龍圖閣侍制知青州改杭州過闕留為戶部侍郎歷  
刑部戶部尚書拜樞密直學士知永興軍入為吏部  
尚書疏奏徽宗請深裁浮冗以寬用度屬疾祈夕加  
龍圖閣學士知潤州卒於道年六十六贈正議大夫  
孫馨 字叔靜年十五遊太學蘇洵滕甫稱之用父任調  
武平尉捕獲名盜數十謝賞不受再調越州司法  
叅軍守趙抃獲其才知偃師縣蒲中優人偽僧服隱  
民間以不語惑眾相傳有異法奔湊其門馨收按姦  
狀立仗辜除提舉廣東常曰蔡子貴人初召為屯田員外  
郎馨微時與蔡京善常曰蔡子貴人初召為屯田員外

恐貽天下憂至是京還朝遇諸塗既見京逆謂曰我

若論輔人主示節儉以先百吏而絕口不言兵天下

正甚馨何為者京默然既相出提點江東刑獄未幾

入為少府少監戶部郎中縣官用度無藝馨與尚書

曾孝廣侍郎許幾謀日日增一歲增一歲天下之

財豈能給哉共疏論之當國者不樂孝廣幾由是罷

徙馨開封遷太僕卿殿中少監四輔建以顯謨閣待

制知曹州論經始規畫之勞轉大中大夫徙鄆州邑

人為草祭之謠指切蔡京馨以聞京怒使言者誣以

他謗提舉鴻慶宮起知單州遂致仕靖康二年卒年

八十六贈銀青光祿大夫謚曰通靖馨篤于行義在

廣東時蘇軾謫居惠州極意與周旋二子娶晁補之

黃廷堅女黨事起家人危懼馨一無所顧時人稱之

沈晦字元朗邁之孫宣和間進士廷對第一除校書郎

事除中言者論晦雖使金艱苦而封駁之職不可以賞

勞除集英殿修撰知信州高宗如楊州將召為中書

舍人侍御史張守論晦為布衣時事帝曰頃在金營

見其慷慨士人細行豈足為終身累耶然不果召移

守婺州以論罷紹興四年起知鎮江府兩浙西路安

撫使劉麟入寇世忠拒于楊州晦乞促張俊兵為世

忠授趙鼎稱晦議激昂帝曰晦誠可嘉然朕知其

人膽志頗怯不為世忠所樂尋提舉臨安府洞霄宮

錢卽

字中道吳越王諸孫也第進士為睦州理部使者

命治獄衢州啖以薦卽曰吾寧老冗選中豈忍以

數十人易一薦乎至則平反之徽宗召對問曰靈武

可取乎對曰夏人去來飄忽不能持久然其民皆兵

居不麋飲食動不勤轉餉願勅邊臣先為不可勝以

待釁庶可得志帝曰大砦泉可取乎對曰是所謂瀚

海也臣聞其地皆烏鹵無水泉或以飲馬則口鼻皆

得之無所用帝然之知慶州築安邊城歸德堡包

者皆不能及進徽  
猷閣直學士卒

地價及糶法關內然即抗章貫巡撫陝西

害亦寢卒贈金紫  
光祿大夫謚忠定

### 沈文通

名邁犯高宗嫌名以字行祖廕補齋郎皇祐利

舉進士第一以既仕降第二奏本十卷知

杭州遷吏部郎居喪廬墓側無何文通少

### 樊光遠

字茂實少從張九成學紹興初南省奏名第一

除秘書省正事上疏言事與秦檜忤罷為閬州

教授後召為秘書丞俄引對言頃年大臣挾權修怨

不平其心臺諫之所排擊法寺之所鍛鍊告訐之所

## 錢塘縣誌

### 卷之十九

人物名臣

七

### 趙希館

字君錫舊名希喆慶元初登進士第賜今名少

負父喪歸道遇寇左右駭散希館拊棺慟哭不

懼寇義而去為汀州司戶峒寇李元張甚希館倡

守古城關嚴兵以待賊無一免知玉山縣未行召對

首言民力困于貧吏軍力困于債帥國家之力則外

困于歸附之卒內困于浮冗之費又言今日多事之

### 明

### 沈縉

字尚賢洪武乙丑進士授工部屯田主事

### 于敬

洪武庚午領鄉薦歷御史春坊至

官至節度居官祁寒盛暑未嘗謁告衣食取裁足而已

人患有志以使得其道器使未當其才爾上皆嘉納

刻薄為舉職以無所可否為識閫寄重任也以無

際而未有辨事之人朝紳清選也以緘默為清重以

方賔

洪武中由監生授職方主事永樂初陞兵部侍郎

其子侗鴻  
臚寺丞

蔣驥

字良夫弱冠領薦中洪武庚辰科進士授行人

講學士與修太祖成祖仁宗實錄及永樂大典等書

多所裁定方其在史館時嘗得罪下獄十年乃得釋

胡楨

洪武八年由御史蒞政嚴明獄無留滯是年入為

刑部郎中十四年陞本部尚書歿

張昇

字仲高弱冠為郡吏即以清謹稱守以下咸禮遇

及卒上察其廉特給驛舟遣內臣送柩還鄉

錢塘縣誌

卷之十九

人物名臣

八

吳登

永樂初以文學薦擢給事中小心縝密受知文廟

接上益信之  
終鴻臚寺丞

孫子良

洪武間貢入太學永樂進士選庶吉士與修大

郎曹攝部事鈐制屬吏同列滋不能平羣口交妬謫

德教多有成者洪熙初薦起仕至

徐琦

字良玉祖德富成寧夏而生琦天姿英毅耽翫經

史至忘寢食中陝西鄉試登永樂乙未進士寧夏

之有進士自琦始也授行人遷兵部職方員外郎宣

擢琦行在右通政持節往諭既至利拜命遣人議

相見禮琦曰吾奉上命至爾酋盡禮使者即所以尊

廷爾何庸議利即拜坐下坐所

遷兵部右侍郎幾上復



抗拒王師之罪并定歲貢常例至則利死利子麟蓄  
疑未服琦宣布朝廷威德曉以禮義示以禍福一國  
竦聽無不帖服由是麟感戴上恩乃鑄金人一以代  
躬謝仍備方物遣陪臣以進闕臣廷上大悅宴賚特  
厚遂命落琦戎籍蓋異數也進南京兵部尚書參贊  
機務留守南都二十年深沉果斷每臨大議衆論盈  
庭徐以一言決之衆  
皆悅服卒謚忠襄

### 潘中

字大本永樂甲申進士授楚府伴讀骨梗負氣不  
依阿詭隨同列皆敬憚之一官三十年以直齟齬  
整閨門之內肅如也

### 夏時

字以正永樂戊戌進士授戶科給事中洪熙改元  
議改鈔法時力言其擾無裨國用已而泉幣大阻  
民輒犯禁議竟寢宣德初一日三上封事稱旨命署  
尚寶司兼吏禮兵刑四科事身親七篆綜核靡遺事  
無愆滯六年查浚湖冊陳便宜十四事至今行之擢  
江西按察司僉事進湖冊陳便宜十四事至今行之擢

## 錢塘縣誌

## 卷之十九

人物名臣

## 九

布政使前後所上又十餘疏皆國家要機事雖不盡  
見信用議者偉其敢言年未七十致仕歸卒平生潔  
廉好義篤孝二親及親歿廬于墓次哀號不輟致烏  
巢芝產之異鄉人重其德行建祠祀之題其祠曰孝  
廉魏文靖李文  
忠各爲之立傳

### 柴車

字叔輿清慎有節槩天姿秀敏永樂間由鄉舉至  
兵部員外郎從文皇帝北王爲岳州知府勸農視  
學周行田野督民耕桑進諸生講論道德郡內大治  
召入爲職方司郎旋擢本部侍郎屬西鄙不靖協贊  
陝西軍務發副總兵劉廣失律及疏罷土官後能家  
人冒功陞賞章凡數十上切中時弊同列咸不喜而  
車持論益堅于時上察車忠大賢之宴勞賜賚甚  
厚尋進兵部尚書卒于京賜祭葬給驛歸其喪

### 魏驥

字仲房永樂間鄉舉明年爲松江訓導汲汲成就  
實踐爲諸生讀書學宮或夜携茶粥勞問令以真知  
還教三年召修永樂大典累官至吏部侍郎時中官

王振驕甚每出雖部堂尊官亦斂輿避驥獨不避明

日上御便殿召驥入曰爾有罪知乎驥曰臣曾得罪誰

得罪天地祖宗廷甚多上曰第思昨日曾得罪何不

避之驥曰昨臣嘗遇奄振揖而過未得罪也上不足惜朝

廷名器足惜也上改容曰爾言是也尋陞南京吏部

尚書年七十七致仕嘗至京師大學士陳循驥所取

士謁驥願少待驥曰君為輔臣宜為天下進賢才不

得私謁座主家居二十年布袍糲食不別治生既耄

事其兄驥愈恭成化間遣行人存問賜羊酒加粲月

三石驥病遣子以墓累鄉

里力辭病遣子以墓累鄉

王琦字文璫永樂鄉舉擢御史虛心聽斷及督學山西

敦行實士習改觀憂去服闋改蜀兵憲尋乞歸歷

官三十年守嚴一介家居衣食不給太守胡濬列狀

於朝詔賜百金琦以無功辭竟餓死當道義邨以歛

蔣琳字廷振驥子宣德間以父任歷官郎中從大司馬

靖遠伯征討西至甘涼南踰隴川運籌決策屢有

戰功擢至副都御史為人果決清介喜於立功任氣

敢往奉官執法萬天莫迴於人之喜怒身之禍福不

計也當巡撫貴州號令精明威望振肅藩臬大吏悚

然憚之草塘燹叛官軍屢有挫衄莫敢議討琳至獎

率士伍親履行陣由是吏士用命戰氣自倍長驅賊

錢塘縣誌

卷之十九

人物名臣

十

陳嘉猷

字未進士授禮科給事中因父任遷家于杭景泰辭

吳誠

字尚忠景泰進士累官副都御史巡撫湖廣雲南

金紳

字縉卿洪武初以閭右實京師遂家金陵之上元

刑科給事中英廟復辟紳數召對寵待甚至憲宗嗣

位進都給事中首率同列論都指揮門達竊弄威柄

衣裘朴野混跡閭巷子瑞官御史砥

節礪行卒時斂具不給咸稱濟美云

又言都御史王竑剛毅直諒可任大事宜卽召用悉  
納其言達遠謫起竑兵部尚書陞南京大理少卿剖  
決無滯雖老吏不能過嘗曰獄者人命所繫極楚之  
下何求不得彼不能伸于法司而求伸于我我又  
爲之理何用廷評爲故凡經紳平允者咸無異詞在  
大理九年如一日秩滿陞南京刑部右侍郎月躬視  
獄者再戒飭其屬俾無法外施刑審錄重囚必對衆  
言某可矜某可疑得生者甚衆戊戌江西荒上特簡  
紳往視許便宐行事紳蒞部督責其屬勸興廢以賑  
江西十三郡之民賴紳以活未幾得疾卒年四十有  
九侍父家居者二十年時人榮之平生儉約一無所  
好惟好讀書自號雪心所著有雪心稿青瑣獻納稿  
若干藏於家

**倪謙**

字克讓徙上元正統中進士第三人授編修景泰  
間備顧問多所啟沃天順初遷學士侍憲廟于春  
宮巳卯主順天試不錄柄臣子被誣搆謫戍宣府者  
七年宣德初復職尋與子岳同日奉命入史局修英

**錢塘縣誌**

**卷之十九**

人物名臣

十一

廟實錄進禮部侍郎轉南京禮  
部尚書卒贈太子少保謚文僖

**于冕**

字景瞻少保謙之子景泰初以父功蔭府軍千戶  
及謙被譖死冕坐謫龍門屢上書訟父冤憲廟問  
事白加謙官謚因復冕官冕請改文資授武庫員外  
郎歷陞應天府尹致仕冕聰明特達善處興廢既邁

家難放徙窮邊而能閉門却掃以讀書纂言爲事故  
雖羅憂患疾疢而聲聞不墮後起謫籍官兩京所在

以修謹稱蓋無  
媿名家子云

**倪岳**

字舜咨父謙奉命祀北岳時夫人感異夢而生因  
以爲名體貌豐頰目光炯炯望之若神幼警穎絕  
倫上承家學習聞先朝典故究心天下事天順間登  
進士選庶吉士授編修同父修實錄直講經筵音吐

洪暢善因文納誨憲廟屬目焉擢侍郎尚書在禮部  
十三年儀文制度多所擬定革淫祠正神號禁齋醮

止胡僧請度却西域貢獅諸事皆出手筆累知貢舉  
損益舊法遂爲令甲善斷大事其議德祖爲不遷廟

議孝穆太后宜建別廟及七十二子不宣更定皆合  
萬世公議適留都事屬危疑岳為大司馬持正達變  
事賴以定入為吏部尚書獎恬抑浮士論稱快卒贈  
少保謚文毅居父喪哀毀過度盡以世業讓諸弟念  
故舊恤困窮雖奕世貴顯囊無餘  
貲所著有清溪漫稿文毅公集

**沈敬** 字克欽正統進士授兵部主事景泰末謫戍遼陽  
成化初超拜河南叅政歲飢民流敬悉賑發全活  
甚眾計處榆林饋餉供用不轉廣西布政使時田  
州黃明倡亂敬受督撫檄統眾征勦大致克捷觸險  
乘瘴深入賊巢竟  
中瘴死官其子琦

**李旻** 字子陽成化間鄉試廷對皆第一授翰林修撰歷  
官坊上疏終養不許官至南京吏部侍郎長身修  
髯才識高邁其學無所不窺善談議每發言如倒峽  
懸河四坐傾聽為司成時教範嚴肅家吳山下環堵  
蕭然不屑  
治家人業

錢塘縣誌

卷之十九

人物名臣

十二

**洪鐘** 字宣之成化進士授刑部命審處江福流賊歸言  
東之程鄉皆流移雜揉習于鬪爭故易亂難治宜及  
其平時多建社學以訓子弟銷兵器以詩書禮義馴  
擾之為四川按察使蒞獄明敏犴無留繫遷副都御  
史巡撫順天雲南貴州督漕兩淮皆著聲績掌南京  
出總川陝湖河四省軍務時沔陽賊出入洞庭掠  
城邑川陝間遠近騷動播州楊宣慰兄弟讐殺流劫  
重慶保寧皆運奇剿平朝廷七璽書獎諭賜白金  
麟服進太子太保堅辭不獲乞歸章七上鐘狀貌  
魁傑目光朗秀論議英發善計天下事卒謚襄惠  
**徐潭** 字汝容敏之子弘治進士歷官湖廣副使兵備辰  
沅有豪貴罪當死以千金賂潭副之持益急後  
其人賂代事者竟得縱而潭反被深文罷歸囊橐  
蕭然居無華堂出無輿從性耿介好義赴親交之急  
輒傾貲空  
匱弗渝也

陸溥

字原博正德進士授職方主事累官陝西叅政稱

難溥因事籌畫動中機要司馬卿倚如左右手疏

奏皆屬焉劉瑾之誅也連坐者不下數千人溥白于

上原之又覈京營諸兵馬素遮于豪右而縣其籍者

溥乃盡括之武廟南巡與諸省郎伏闕乞留不報世

宗登極詔復先朝臣賜俸一級淦有負固者溥出

奇兵掩擊之面縛數百人以其地為峽

江縣赴陝西至靈寶卒年才四十有五

錢宏字可容正德進士授刑累官憲副在山東久擒

災所全活萬人官至都御史督兵南贛建趙清獻文

信國二祠為人孝友歲租所入分逮姻族人高其義

施魯貫仁和為荆府長史正德五年荆王疏魯賢請增

秩四品劉瑾甚之矯奪魯官勒歸故郡瑾伏誅有

詔徵魯復用魯不應召遂終老于家無一畦尺椽之

藉東西僑賃不常非其義不受也嘗有書生餽粟三

十斛求冒魯族魯曰余惟不為胃昧之事以至于斯

固却之時方絕糧處之宴如也竟藜菽不給而歿

錢塘縣誌

卷之十九 人物名臣 十三

胡世寧

字永清為昌化諸生家貧力學志節清峻長益

百金寧以浙右飢以其半留賑飢受五十金及舉進

士為德安推官陞南京刑部主事歷郎中與李承勳

魏校余祐友善相切磨問學時稱南都四君子弘治

十年春詔求直言條上十事出為廣西太平知府

太平遠惡領土官世寧訪接以禮不擾一錢翕然帖

順檄創壺關萬夫畢集工費數千金皆士官辦納不

數旬關成太平州李濬淫刑撓法莫敢詰也寧密受

方畧龍英士知州趙元瑀擒濬來獻元瑀者濬外兄

也先是士官世及輒展轉結勘索賂士官以故怨叛

益輕中朝士人見寧令士官生子即聞府子弟應世

及者朔望皆携之見太守為識年數歸狀貌父兄

送者數萬服闋北上過滄州會流賊攻州世寧入城

為州防守賊攻不能破去補實慶知府清儉節約公

廉有威藩府人不敢忤盡平其賦役寧度人有逆謀

世寧上奏曰平賊之策惟勤與撫今素無定見恩

倒施賊益無忌惟舊撫者不勤新叛者不撫再起  
必撲滅于微持此三端則治安之效可尋崩解之亂  
可息最可憂者禮樂政令漸不自朝廷出寧王親  
多才豈有毫髮過議但內外臣僚輔導非法乞溫詔  
戒諭賢王益從謙順遠避嫌疑仰遵祖訓止治國內  
官僚毋得交私罔上狗情廢法該府更宜嚴戢宮闈  
恪守禁例凡遇王府發放事務必須奏准方許奉行  
庶幾小民有再生之望地方無意外之虞宗室有磐  
石之固九重紆南顧之憂疏上宸濠大懼徧賄權奸  
坐以誹謗妖言離間罪必欲殺之以絕言者先是世  
寧已陞福建按察使會寧乞休歸徧遣兇徒襲世寧  
索之甚急會李承勛為浙按察使歸徧遣兇徒襲世寧  
間道歸命京師得不死下錦衣獄從末議謫戍瀋陽  
藩之逆而兩京言官並疏救竟未議謫戍瀋陽  
居四年宸濠果反始起籍除湖廣按察使隨擢僉  
都御史巡撫四川聞羣臣伏闕爭大禮得罪又疏言  
羣臣心欲効忠詞乃過激乞開釋消除以圖治安召  
為兵部左侍郎陳邊備二十五事尋以病乞改南京

錢塘縣誌

卷之十九

人物名臣

十四

吏部侍郎未幾擢南京工部尚書以太保力辭至三疏言  
刑部尚書轉兵部尚書加太子太保力辭至三疏言  
外寇方強內憂日甚天下之人闔然皆無忠義之氣  
上定武畧崇憲職重將權增武備更賞罰馭士裔足  
邊儲絕弊源正謀謨惜人才十事要說時安仁倡言  
太平勸上銷兵興禮樂世寧又特疏申論武畧人才  
二事上知其忠鯁促上任世寧議乘哈密不可勞中  
國奔命小邦閉關絕貢又上武備人才邊儲三事已  
而引疾力辭竟去逾年九月召為南京叅贊機務兵部  
尚書辭不起嘉靖九年九月端坐而逝贈少保謚端  
敏世寧樸壯才雄優干經濟澹泊寧靜清素不滯席  
文襄稱其論事如結舌草奏若懸河邵康僖稱其疾  
惡如讐善如已以忠孝大節自矢  
即勉人有奏議若干卷行于世  
張瀚  
字子文登嘉靖乙未進士第釋褐南工部都水司  
主事歷員外郎出知廬州府甫下車即葺宋包肅  
公祠治廬一倣孝肅故事先教化而後刑罰司治大  
名也一以治廬者治之庚戌鹵簿都門詔遣司馬郎

一人持節徵四郡兵入衛瀚聞報以募召遊食飢附  
飽颺不可用披所屬編籍選丁壯二十之一得精銳  
八百人瀚首請使者閱師使者岫然曰何速也比閱  
師則人人精銳絕出望外銓部察瀚兩郡循吏陞陝  
西按察司副使備兵潼關歲陞大發粟所活數千萬  
人累遷廣東四川福建叅政轉山西右轄尋除陝西  
左轄踰年以都察院右副都御史出撫陝西瀚敷歷  
久熟諳西事固原防秋期滿當撤戍瀚謂須冬防兵  
至乃撤不旬日吉能蹂冰入犯防秋兵出擊之斬馘  
五十餘陞大理寺卿時終南山飢民嘯聚當事者議  
勦瀚謂此屬迫于飢耳檄郡丞單車諭之即日解散  
入赴大理多所反陞刑部右侍郎改撫兩廣時嶺  
南寇賊克斥曾一本楊子亮等各擁衆數千瀚悉平  
之新鄭入相起撫陝西尋陞南京右都御史再進工  
部尚書時太宰楊襄毅病免廷議推擇三人殿瀚名  
以聞上謂瀚聞望素著超次特簡毅然以正百僚爲  
已任私交請謁一切謝絕考績加太子少保江陵喪  
銓路爲之清肅上愈重考績加太子少保江陵喪

錢塘縣誌

卷之十九

人物名臣

十五

父不解政忽傳中旨眷留令吏部往諭江陵亦自爲  
牘風瀚使留乞曹郎請覆議瀚若不諭其意者謂政  
府奔喪當以殊典卹之宗伯事也何關吏部江陵復  
令所善客說瀚弗聽已有詔切責謂瀚奉諭不謹無  
人臣禮于是廷益怒喉臺臣首劾獨撫膺太息曰  
三綱淪矣江陵益怒喉臺臣首劾獨撫膺太息曰  
旨致仕瀚北面稽首曰臣髦不能任國事然寧負相  
君不敢負陛下辭歸與同郡縉紳年踰耆宿者二十  
餘人徜徉山水間觴詠談嘯論者以爲不減香山洛  
下云江陵敗上念瀚舊德詔所司月給廩廩之存問  
如令甲年八十四終計  
閩賜祭葬諡恭懿

金學曾

字子魯嘉靖戊辰進士授工部虞衡司主事內  
管庫鑰出樞荆關俱以水蘖稱晉都水司郎中  
河張秋改禮部精膳司郎中出督楚學時江陵所  
飭學政以功奉之矣其法首禁講學次汰生徒皆  
務一切摧抑之術以爲切磋磨礱道將是在而曾獨  
不以爲然所頒教約首令講學曰學不講則師與弟

所崇何業其他如賑卹之周銓補之速几所以休養  
士氣者無不至而于江陵所申飭則大徑庭矣無何  
而奪情之事起曾曰是不可令楚士見也身爲楚土先  
爲十揭以上江陵汀陵不之省遂欲投劾歸而適有  
滇南叅知之命未幾楚按朱璉之彈章上矣曾喟然  
曰吾固待此久矣即日歸築別業西湖之涘日奉封  
公杖履爲詩酒遊江陵尋歿臺省交薦補閩臬仍鐫  
秩爲僉事其所司者則屯鹽也二法閩人至今賴之  
遷江右兵備副使時江右歉飢民多揭竿稱亂臣室  
往往以擒勦其流民入城殍死巷陌者至不勝埋  
曾日夜含涕求所以散萑苻緩須臾死者乃榜諸衢  
曰朝廷惜飢民不惜亂民其急歸里甲以候賑濟者  
爲飢民其搶攘道途終不歸里甲者卽亂民亂民行  
且斬矣乃急趨令船入里甲家喻而戶曉之差等其  
所宜貸而人授一籤隨勅他吏裹糧負錢以從而驗  
籤給貸籤行若流水而錢米之屬不脛而遍一時之  
飢瘡塞亂者亦塞矣他巡道或議駢斬亂民八十人  
者曾爭曰民聚求食詎曰亂乎卽以斬八十人聞上

錢塘縣誌

卷之十九

人物名臣

十六

工驚非常必不許無爲也他巡道乃止量移湖廣布  
政司叅政湖南之寶慶時旱流殍載道至省卽發廩  
賑之次褫墨吏次誅豪蠹次告糴隣郡次講義倉積  
聚凡可以造福地方者無不以身殉之績最晉都察  
院右僉都御史奉璽書節鉞鎮撫閩固曾舊所撫  
循知其疲而倭方蹂躪朝鮮南北驛騷曾乃簡戎器治  
餘鯨練土補伍海備一新策倭所出沒多在彭湖乃  
建塞置戍以遏其衝倭初至令急擊自是倭不敢輕  
犯閩未幾以小事失直指意竟有胃餉請覈之疏明  
年代者爲張御史應揚復疏申理始奉旨准銷而曾  
之深謀巨伐竟無有白之者請代疏凡五上始得歸  
一入里門卽以韜身名教子弟回風俗明正學爲事  
于牘不入公門而事關地方利病者則不惜縷縷  
言之卒年七十有九司以聞賜葬恩蔭如例  
**高儀**  
禮字子象嘉靖進士二甲第一由廩吉士綬編修官  
廩吉士侍書引疾歸加太子少保繼以前官召起教  
一月卧病值莊廟大漸強起受遺命增劇卒贈太子



太保謚文端儀凝重坦夷不為矯激行而風節凜然  
初入史館柄臣多方羅致儀獨抗顏不下乃久不調  
後來者皆躡其上儀處之燕如也及柄臣解政稍稍  
進用莊皇臨御郊見耕籍學諸大禮皆倚辦于儀  
建議二后不宜並附中官不得與朝議請復駙馬鄔  
景和封爵釐大臣謚儀謝中貴請囑疏諫上南苑遊  
幸及選女採玉取光祿羨銀等事皆人所不敢言朝  
論偉之有一男子自南宮中門入口稱為孝烈后子  
衆相顧莫可誰何儀叱從吏收縛竟得其詐人以方  
雋不疑儀始生時父夢于肅愍公儀長益自負庶幾  
古社稷  
臣矣

### 許嶽

字子峻登嘉靖庚戌進士第釋褐工部主事歷郎  
中出理九江蘆政一清擢河南按察司僉事備兵  
穎上時倭寇維揚揚非所轄地也當事以嶽才檄以  
戰守事嶽立至危城簡丁壯授甲登陴命老弱傳殮  
躬率戰士出奇破賊賊屾遁去而危城完先是城門  
晝閉民避寇至者號呼不得入嶽親立馬城門下闔

### 錢塘縣誌

### 卷之十九

人物名臣

### 十七

右而闢其左令民魚貫入入甫畢而賊至得免於鋒  
鏑者數萬計構誣謫沔陽州同知稍遷岳州府判岳  
城為江水所嚙築輒圮十餘年不就身葬江魚以謝百  
曩時嶽呼天而泣曰三築不就請身葬江魚以謝百  
姓夜若有人語之者曰亟穿井城中以滙激湍城宜  
就嶽如其言不踰時而城成治為三楚最轉荊州調  
德安同知補廣西柳州猺獠入犯懷遠戕殺官吏全  
粵震動時議募兵大勦峻乃奏記當事諸將旌以嶽  
所上方畧進取屢戰屢捷賊大潰斬首二萬餘級功  
上天子嘉說欽賜帑金移梧州陞廣東按察司副使  
飭兵瓊崖瓊崖而大盜李茂者攻椎剽橫行閩廣居  
乃獠突為患而郡縣悉平尋疏上乞骸骨予告歸外  
無予告者蓋異數也嶽既歸築室西冷之側日嘯咏  
其中大吏造請至門不見亦不報卒年七十有  
一著朱陸同源道不德解蒙莊卮言若干卷

### 孫繼魯

字道甫高祖維賢以太學始魯已卯舉於鄉登  
衛遂家焉南中孫氏自賢始魯已卯舉於鄉登

癸未姚涑榜進士出知湖廣澧州因事改國子助教以經學著歷戶部郎中擢守衛輝會歲蝗旱魯竭誠禱於天蝗害除而大雨隨應民以為神當路特薦調知淮安中官奉命織造江南道經淮大作威福魯抗阻之遂構疏於朝逮詔獄時執政者力護解得無事魯出弗謝遂調知貴之黎平擢湖廣提學副使陞山西左叅政分守薊南強藩百餘人以其持法銜之謀民擁馬首不得去而宗藩斂戢尋陞山東按察使士挾焉解其裝惟敝衣履無囊金衆愕然曰我高皇帝御宇迄今百七十餘年罕見此官乃相率載酒追於郊至晉持法益堅凡王府獷暴弗靖者悉置之法擢陝西右布政使晉提督雁門等處兼巡撫山西右副都御史文經武緯譽望重於一時會有陝西陞之役持論與總督不合竟被誣下錦衣獄先是陝西御史楊爵在獄中無楮具以破劃壁倡和百餘詩名破碗集知魯者以百口保之山西有宗藩抗疏救辯即前解裝肆挾者也魯方讀易獄中進退存亡付之一編而執政阱之不已竟疽發於背卒年僅五十朝野聞

而哀之還葬先塋之次隆慶改元言官請曰原任山西巡撫副都御史孫繼魯特死非辜深為可憫乞賜褒錄制曰可贈孫繼魯兵部左侍郎謚清愍魯

吳玘

字汝瑩舉嘉靖癸未進士拜行人司行人父士寧三娶無子年五十有七始生玘為僉事飭兵嶺南

蒐士卒立保伍明法令察盜所出入根披苗薶境以大寧連寇作督師征之殺降過當而清遠峽以多盜發卒六百人鑿山三十里為梁二十有一舟用得挽以濟為副使籍民舟之賈於海者什伍為網紀約寇至共擊之私去為盜者衆發之不發與連坐海寇類息縣吏嘗植柑分廨中遺玘玘曰此官物吾不可以私盡易錢輸之庫母周病痢剖股肉和藥以進痛父以食芋遺疾終其身不忍食芋宦游四方必奉像檮懸之祭則展拜以泣病不能言數引手上指像忽自墜其僕曰得非欲奉以行乎頷之而逝年六十有三初玘之至嶺南也勤於其官按行郡邑勤冒毒瘴遂患癘比為叅政會天子有事安南治益勤

既疾革猶日命吏抱文書置榻前卧閱之故以羸卒

### 姚良弼

字夢賢父鉞有隱德江文昭為銘盛稱其孝義良弼舉嘉靖乙未進士授南刑部歷知岳州府

有廉幹聲監司邇士人藁欲寄府藏不許怨之謫河南運同尋轉知惠州嶺海險阻盜不時起倡設縣議

民賴以安已擢雲南憲副備兵曲靖平霑益東川亂有功柄臣責賂不得遂罷其官性廉介不問生產事

異毋兄甚恭撫子共食四十載幾無以殮

### 江鐸

字士振高祖叅政玘曾祖尚書瀾祖侍郎贈尚書曉父提學僉事圻也江氏世籍仁和至鐸為錢塘

諸生隆慶庚午舉于鄉萬曆甲戌成進士丁父艱服除授刑部主事累官至山西叅政備兵易水晉按察

司當是時蜀有播人楊應龍之事滇楚騷動朝議偏界黔楚間思得才能重臣伏鉞鎮之遂擢都察院僉

都御史開府偏沅得專征伐偏沅去易四千里欽限一月履任時軍府創設兵食俱無所抵鐸慷慨疾驅

## 錢塘縣誌

## 卷之十九

人物名臣

## 十九

奮髯攘臂將以師期請鐸曰賊倚險阻以老我師勝則長驅不勝則伏叢箐中伺我怠則彼奮卒難圖也

計惟以速勝之不盡蕪將益張師次黃沙囤分軍為兩翼一軍白泥一軍龍泉夾攻板角關破之再進破

瑪瑙長坎保子等囤即奪苦作關進克趙生囤遂入三渡關乘勝及海龍囤海龍于諸險中為最賊負隅

以拒王師是時暑雨山谷中多重嵐毒霧賊竄處無定而我師又以深入餉難繼為疑鐸曰賊可盡也而

憂餉餉在于我乃改長運為接運每三十里設一營置運卒數千為轉運法前運未行後運已束載而待

乃殉于師曰士不苦飢不用命有國法在榮親報主除暴驅殘係此舉矣士皆踴躍聽命援桴鼓之以六

月六日奪青龍壘應龍縊死俘賊親黨二千餘人斬首六千九百餘級露布以聞是役也師不踰期食不

淹久剪方張之寇除意外之憂天子下璽書慰勞而以母艱將告歸會皮林八洞諸蠻又起朝議以為梗

日久勉留鐸以勝兵應之鐸薦梁方伯吳觀以自代不可不得已旋軍龍陽語諸將曰皮林外有衢內

有險苗營窟甚固非先以文告解散其黨渠魁未可旦夕授首也于是下令禁妄殺行招撫其中堅別奇兵元州次靖州命大將陳璘以勁卒衝塞再破特洞縱火攻之一鼓破龍岩賴洞潘老諸蕩平詔班師而鐸老皇甘坤諸山八戰皆克之皮林蕩平詔班師而鐸遂以積勞成疾卒先是鐸為刑部生事掾吏重足不敢舞文有以玉帶質戚屬者戚屬匿之而以盜告鐸探得其情立而責其僅曰限汝三日日出帶不出帶汝死杖下已如期出錦衣帥獲盜七人當死鐸察其冤比輕律帥者江陵里人江陵為調旨法司不得異同鐸曰如此安用法司遂請歸鐸所至皆立聲跡而出鎮甫兩年平兩大寇為最卒贈兵部右侍郎廕一子世卿世襲錦衣衛指揮僉事世卿子六人內元禧子長俱世襲元禔子靖思廕任廣東翁源縣令

**洪瞻祖** 字詒孫號清遠太子太保鐘曾孫也萬曆戊戌進士選翰林庶吉士已為兵科給事中烏江當貴播之界南岸則烏江關循江而下北屬播南屬貴水西稍侵界土總督王象乾責水西退出所侵地欲

錢塘縣誌

卷之十九

人物名臣

二十

以為功瞻祖謂安氏二百年來與流官無異其兵則勇冠諸苗其人則慤而戀主其地則滇南門戶督臣何故爭之且沙溪撮土所爭幾何全播之間得不償失智者不為也神宗以兵科議是會延綏總兵麻承恩陳璘納賄兵部尚書有所改授瞻祖疏劾本兵通贓私污廷議首輔沈一貫不能庇皆得罪去由是羣小側目中察典已補嘉定丞久之擢南行人副山行人歷擢右都御史巡撫南贛時閩廣黠賊匿深箐中官軍多失利瞻祖曰斯豈偏裨事哉檄諸郡兵分路合勦身歷蠻瘴中越贛渡汀冒矢石執桴鼓斬賊渠了婆等一千一百七十餘人燬員子山等三十餘巢奪還男婦牛馬器械無算四省合奏其功而瞻祖已乞骸矣家居四十年卒子吉臣崇禎癸酉舉人吉暉萬曆戊午舉人早卒吉臣至

國朝為德安府推官

宋應昌

號桐岡方面紫髯目閃閃如電以進士守絳州未幾倭寇關白率六十六島之眾破朝鮮聲言

內犯京師戒嚴詔拜應昌兵部右侍郎經畧遼山

東保定等防海禦倭軍務時經畧創提督大將

軍李如松羈寧夏未至兵食皆未備詔書督促至

應昌鑿空支吾不兩月部署出關會兵部尚書石星

方議西討遣游擊沈惟敬往平壤宣諭要倭退兵平

行長以冬月畏寒佯許退以老我師惟敬報命謁應

昌應昌曰我奉命討賊知有血戰耳汝母以身試法

即誓衆踏冰渡江惟敬執欵議如初應昌繫之軍中

議討賊益急春正月兵薄平壤平壤行長築飛樓鑿墻

穴守牡丹峯相犄角應昌門其三門外布蒺藜火器

齊發毒烟蔽空軍士攀附而上諸門盡破行長遁回

王京行長之遁也大將軍輕其屢敗走探地形驟遇

重圍大將軍殊死戰援兵復至倭始退是時王京聚

倭號三千餘萬且當八道之中倭不退朝鮮不可復

也應昌知王京城南有龍山倉朝鮮兵食所積以資

倭倭必不退夜令死士以明火箭燒之十三座俱盡

還棄王京去遣兵追擊至南原又追及晉州倭乃遁

斬首二千三十級克復平壤開城王京還故地二千

五百餘里戰勝之後拊恤傷殘招歸脅從仍分前兵

屯守太丘南原慶州等處移檄國王斬璽挑

濠築關置墩善之宜甚備卽宿將不能易也

葛寅亮

字岷瞻萬曆庚子浙江鄉試第一辛丑成進士

授南禮部儀制司主事遷祠祭司郎中疏請修

令貪汚者印緩使之去溉田平糶所活以萬計時守

璫據湖口橫甚擾民亮廉得不法事捕治不少貸璫

尋乞休痛切言之起福建某宮濬河開闢日多行泥

淖中指畫廣狹深河成稱葛公河尋遷木學致

秉公矢慎一如督楚學政時陞南北璽卿典山西試

搜采英奇晉文爲之一變陞通政使大理寺卿少司

農卒年七十七亮貌不踰中人雙眸炯然聲

峻整抗論不回居官五十年強半家居廳事不容

談馬當事造請未常干以私于地方利弊知無不言

易繫詞講治安策仕學錄造適集莞爾集藏  
於家孫持欽衷欽中順治甲午舉人

### 錢受益

字謙之武肅後裔天啟甲子舉于鄉乙丑成進士選度吉士授翰林院檢討主湖廣試擢宮諭

晉宮詹受益少自修飭工制舉業自讀書中秘後益醇謹簡默退朝之暇間取國家掌故反復研究思勒

成一書主楚試稱得人一夕入朝病不能言同官吳太冲躬掖之出朝門輿歸邸舍而卒卒之日家無餘

財孤孱弱幾不能自立太冲為草疏言官受益歷事兩朝最承隆遇孤身子立清廉自矢宜有帷蓋以

慰幽真并為其孤泰彙上疏訟之事聞贈禮部右侍郎

### 傅佩

字朝鳴號虛巖嘉靖乙未進士為興化令興化斥鹵煮海軍民雜錯而軍與鹽之家于市井者九奪

民田民逋租逃去珮曰吾為之令而民倒懸不如無令三疏陳列極言流離無告狀上是之還其所攘政

成召拜兵科給事中有頃上念豐沛思還省藩邸擇可與朝議推珮明年駕幸承天佩扈從武定侯怙寵

## 錢塘縣誌

### 卷之十九

人物名臣

二十二

驕恣不可法佩上書言勲曹放辟無人臣禮非國家福請亟罷之忤旨奪職還里珮為人抗直議論烈烈

無少媵媵態家居二十年莊皇即位詔進太常少卿致仕卒

### 錢有聲

字式韋甫生時父華已登第官儀部有聲少隨宦習知朝家掌故及藩使往來儀注後天啟辛酉貢于鄉官鴻臚丞長身玉立風度挺然每大朝會

公卿多倚為表式會璫燄日熾從兄大學士文貞公諷臺省交章不報旋引疾有聲毅然曰兄師臣體應

爾予未僚何憚斥言連詣登聞上疏皆留中遂決策拂衣懷宗即位詔起有聲充冊藩使賜一品服晉秩

鴻臚少卿歷海嶠還奏稱職尋黨局焚起有聲一無所麗以母老乞歸生平氣節自命居鄉嶽嶽惟日與

湯煥明綱為翰墨交他無預焉士論躋之

國朝康熙年以孫驊官恭遇萬壽覃恩加贈正二品驃騎將軍

### 楊廷槐

字祖植號元蔭萬曆二十三年進士初仕得浮梁縣其民多治陶為業大吏徵佳窳輒拒之邑

多盜槐捕治不遺餘力擢比部郎值妖書楚獄相繼  
起槐持論侃侃保全甚多分校禮部法氛頓息會  
備兵閩海有洋販勾外番者立置之北調禮出  
賺公者中以計典左遷鹺判量移南梁不容不改之議  
備兵徐淮首關駱馬河達漕艘以避呂梁  
徐州雲山改州為府條上六宜改十不容不改之議  
沛邑焚劫一解散尋調天津時監漕李明道以璫  
勢恣橫槐悉按治明道大不堪乃指糧凍誣劾槐上  
疏自理竟削籍歸由是直聲于朝野崇禎初起復  
原職時睢寧被水槐亟築堤停課歷陽復為壯縣調  
糸江西尋陞湖廣按察使槐遂致仕家居種蔬輯圃  
不事于謁遇地方大利病如論積貯議救荒維士風  
皆媿媿數千言上之大吏  
卓乎可傳見王思任墓志

### 國朝

#### 姜圖南

字滙思號真源以山陰貫中崇禎壬午順天舉人國朝順治己丑成進士改度吉士旋出為

#### 錢塘縣誌

#### 卷之十九

人物名臣

二十三

御史茶馬關隴鹽漕淮海皆嶽嶽著名已轉外臺巡  
江右河南不得行其志而卒圖南性豪邁重然諾愛  
賓客所至車馬輻輳其為御史也所至釐奸剔弊民  
獲更生巡關隴吳三桂為平西王驕恣不法圖南廉  
得其狀露章奏之力言尾大不掉恐為異日患三桂  
氣索大將以下咸惕息至門謝過萬里之外知有朝  
廷圖南力也為忌者所中轉外臺上司多挾貴陵折  
之圖南不肯屈下遂病告歸未幾卒圖南詩古文詞  
縱橫自喜高簡傑真似其為人窮困幾不能自振然言  
世晚復悔而焚之圖南死子窮困幾不能自振然言  
順治時言官未  
有過於圖南者

#### 胡宣

字保林號勵齋仁和人明洪武中始祖以軍功授  
世職保林號勵齋仁和人明洪武中始祖以軍功授

#### 世祖

丑成進士選庶常授編修  
章皇帝特簡詞臣才望素著者任監司乃出宣為江  
南布政司叅議備兵常鎮宣下車聞駐防某為巨  
當路莫敢問宣盡得其奸惡狀具論治如法江盜

起株連不已捕使按籍鈎索亶曰亡命之口害及無辜  
媚人吾不爲也卒力白之已亥海寇入犯亶屏驕從  
進通政司右通政後以弟襄病逝遂援獨子例乞養  
不復起亶持身嚴正居鄉不以寸牘干官府邑有利  
弊卽竭力爭之事父母無妾媵絕他嗜好惟經史自娛  
張恭人白首相莊室無妄媵絕他嗜好惟經史自娛  
於天官尤精核卒之日母太夫人尚在無他語  
惟握母手以遽離子舍爲恨纔年五十有七

### 項景襄

字去浮號眉山先世汴人徙杭居錢塘江滸順  
治辛卯舉於鄉壬辰成進士乙未廷對改庶吉  
士補檢討已陞侍讀侍講學士左右少詹內閣學士  
兼禮部侍郎陞兵部右侍郎而卒景襄爲人長身皙  
面儀觀偉然及爲翰林日夜淬礪屏棄嗜好究心掌  
故屢沐

兩朝恩寵及入內閣參贊密勿及副兵樞毅然有爲時烽  
燧雖息而瘡痍未平凡國家有大建置定謀決策天

## 錢塘縣誌

### 卷之十九

人物名臣

二十四

下想望其丰采已未夏刑部上疏請改五流之例應  
徙邊者無論遠近戍烏喇烏喇去遼陽萬里苦寒無

上其議景襄力爭曰五流非死法也今戍烏喇卽無生  
聖天子事耶

廷議不從是年京師地震有  
詔修省景襄又言烏喇事九卿仍執前議景襄復言不可

謂絞罪止及其身今不分子弟同居畢徙之主是議  
者其無後乎卒從景襄言山東瀕海多捕魚爲業東

撫議凡駕大航出洋者罪以通海景襄曰山東與內  
海不同江浙海寬無礁易泊山東一望滄茫無艤舟

地且經奉  
旨沿海一帶許民捕捉船許容二百石海船非篷桅不可

行今奸吏舞文以此羅織愚民僅博衣食而乃設陷  
阱殺之乎由是皆免且定爲例時聽競贖難民或有

以病棄中途者親屬以爲請有司勿敢從咨兵部景  
襄曰旋棄中途者一經申部動延月日其人已死矣自



今令地方官查明發還不必申部至如温台百姓三十九家來京贖其子女既有印給是良民即宜放還不當取其身價又從其言景襄遇事敢言有大臣風節適以疾卒

朝廷歎息以不盡其用為恨命大臣馳賜乳酒及祭景襄素人 士戊午

詔舉博學鴻儒文行兼優之士景襄疏四人

杭處士應搗謙關中李應篤尤知名

**嚴沆**字子餐號顯亭明太常卿大紀孫贈侍郎武順子也自為諸生已著名及順治乙未成進士為庶常

世祖章皇帝輒賞之遷兵吏二科給事中擢刑科都給事

中凡詰戎餉吏理餉詳刑重選學臣申飭夫役請撥

實在以給軍需明立限期以核關差至慎刑獄則請

明法司職賞定憲章則請刊會典成書其疏鑿鑿可

朝廷多採用之協理京察值秋審贊議平反多所寬宥請

假復補吏科都給事今

上即位沆又請解有司被參之任杜督撫委卸之端銓部

之陞轉不應概同五部職官之遷授不便在籍候

至大僚之宜澄清滿漢之宜畫一尤三致意焉補太

僕寺少卿擢都察院左僉都御史宗人府丞轉都

察院右副都御史五旬三遷人皆以為榮一年擢總

督倉場戶部右侍郎時滇黔叛逆以糧餉為民命所

關悉心籌畫遂得疾卒

上聞嘆悼賜祭葬沆性至孝友以贈公早卒事母江太夫

人色養備至所築臯園寓臯魚之意也弟渤早卒終

身念之待同祖兄弟如同懷待猶子如子少時馳譽

所交皆耆舊英傑喪亂以後奔走凋零咸依以為命

家素貧後貴所得俸錢宗黨之外盡以周給朋友主

考山東所拔皆奇士齊魯間稱得人子曾築甲辰進

士官至都御

史另有傳

**顧豹文**

字季蔚號且葺孝子大觀仲子少以才名稱讀

公麟長補博士弟子申西之交四方多事絕意進取

興朝定鼎遂復學順治甲午舉於鄉乙未舉進士除河南

**錢塘縣誌**

**卷之十九**

人物名臣

二十五

汝寧府眞陽知縣河南經流賊蹂躪人民流亡他  
眞陽城僅彈丸殘壁廢壘蒿長十丈豹文慨然曰  
豈不足爲政耶招流亡慰疾苦民稍集初慮囚釋  
其輕繫者數十人有重罪二人豹文欲爲平反吏持  
牘爭曰是不可赦豹文駭然曰視爰書囚固當死然  
新朝除亂已與四海更始何成案之有遂立釋之眞陽旣  
多逃亡鹽引不行商販裹足豹文於津亭水口各立  
鹽肆以招徠之仍定其值不許抑配民以爲便邑故  
無學宮儒官寄居民舍乃建學宮立先聖先賢位命  
學者朝夕游焉邑爲黃叔度故里又建叔度祠率諸  
生拜之曰此邑中表率也諸君獨不能爲繼起者乎  
邑士故粗獷稍稍信服乃設文會羅諸生殿最之徐  
語之曰士當爲民倡今胥吏輒云積欠由青衿所致  
諸君獨不自愛乎諸生咸唯唯當是時汝寧循良吏  
首推豹文初至眞陽戶不滿數千期年戶乃盈萬  
詔取循良豹文與焉抵京  
章皇帝召見行取諸臣於西苑試論策諸臣以次進對閱  
豹文名曰好好科道係耳目官今得其人矣遂以是

錢塘縣誌

卷之十九

人物名臣

二十六

日擢臺班第一疏稱五刑之輕全家繫縲宜廣上天  
好生之心罪止本身豁其連坐又疏稱七十以上十  
五以下概從周內實可矜憐伏乞原情定律使無知  
老幼得遂生成則天下咸知  
天子之仁又疏稱發旗各犯開令收贖又疏言鹽法壅滯  
宜明勅地方計口定額度道里遠近以酌食鹽之便  
否豹文切直敢言時上疏言事疏上或當  
聖意卽行或未卽行已而竟行巡視東城豹文爲人疆力  
善剽割爲御史發奸摘伏應機而得三輔畏其神明  
莫敢犯法尋出巡湖北察鄖襄川蜀諸賊多竄伏谿  
谷穿穴數省乃圖其出入諸徑求其要領所在在  
嚴營堡逼其巢穴賊始不得滋蔓疏捐漢安荆襄鄖  
等州縣未完錢糧以及無征額課民困始蘓又察湖  
北水利莫要於安陸有蘆汙口堤滕久圯潛沔歷年  
被滄豹文言安陸水患一弭則荆漢等郡之承共下  
者免淪溺矣遂督州縣刻期竣役湖堤屹然首尾完  
善豹文之力爲多云又題免所屬災傷建義倉一百  
四十餘所值大計豹文以勸懲大典當以賢不

劣爲斷近日掛名白簡多以微官無氣力者  
如左轄某以文章見推而短經濟監司某以勲貴見  
用而乏幹才皆露章罷其官巡視鄖陽藏巨平  
楚豫交之邪教竊發者斬李龍鳳劉福等於市而赦  
其無識誘脅者賊遂以平豹文爲政皆以精明強固  
之才寓寬大和平之用故吏民始憚其嚴而終懷其  
德未幾撤巡按

旨下聞

命卽抵京師旋以省覲告假歸里居兩年再入臺班參撫  
臣三人皆服其公不敢怨遭內外艱引病乞休時年  
僅四十有九既營父母宅兆得城北故葛氏廢圃乃  
芟薙荒穢建小樓樹叢木間與二三老友嘯傲倘佯  
商畧經史名曰願圃家居幾三十年登眺湖山觴咏  
泉石追白蘓之遺風舉洛社耆英之故事未有如豹  
文行樂之久者性節儉一裘一葛率以爲常盤餐適  
口而止自歸田後未嘗一出里門貴顯有折簡來招  
者終不往喜聞人善於後進才人吹噓獎借必欲使  
伸眉睫乃已戊午春

錢塘縣誌

卷之十九

人物名臣

二十七

天子詔求博學鴻儒才行兼優者備顧問大臣交疏之以  
老疾辭患噎屏去藥物曰吾病已成非草木金石所  
能救疾革自作誌銘銘曰物必趨於盡兮理固然也  
曰舍故而就新兮吾無以與乎其間也惟委順而遷  
化兮斯今古才不才之所共安也銘者誰顧子  
某自言也其曠達又如此蓋卒年七十有五

趙吉士

字天羽號恒夫以仁和睦登順治辛卯鄉薦貌  
魁梧奇偉筮仕山西之交城縣居萬山中連

綿千里地僻而險明末羣盜盤踞其中吉士至縣卽  
閱武於郭南申明保甲團練之法潛相蹊徑險易尋  
奉檄進勤先九日置酒張樂於城隅越宿復邀賓從  
剪燭賦詩密誠司更者促籌於子刻五鼓起送客出  
郭卽疾行四十里饗士卒於水灘別爲三隊並進  
人兩葫蘆川據三坐崖賊散先獲魁渠數十  
人餘黨盡降旬有六日交山之寇悉平開高離山通  
水道出龍門溉田十萬四千餘頃治邑五載凡修學  
宮建譙樓立義倉設書院修縣志四次第具舉又罰贖  
令種柳於清源文水間東西延袤四十里夾道垂蔭

行人忘暑號曰趙公柳去官後從祀名宦巡撫上其績徵入爲戶部郎旋榷關揚州釐革積弊行旅懽呼任滿還部奉監督倉糧充會典纂修官又編輯鹽漕二書授戶科給事中慷慨直言疏凡數十上俱載奏議中既而

命勸河凡地形水勢堤閘民情疾苦條晰無遺上霽顏聽之無何以籍貫註誤降補國子監學正遂寓隱

於宣武門之西曰寄園以著述終老有奏疏序論書記十二卷交山平寇四卷音韻正訛四卷詩詞共數十卷年七十九而卒子三人景從仕至濟寧道景行舉順天丁卯鄉試補中書性至孝仕三月卽告歸奉母於西湖之濱孫十六人繼抃成巳丑進士

### 盧琦

字景韓父之斌贈如琦官斌卒時琦方五歲母劉嚙藥茹荼辛勤撫育琦少穎悟絕倫年十五補博士弟子員庚子登賢書丁未中會魁選庶吉士散館授翰林編修請告歸養優游里門者五年寅卯間三

## 錢塘縣誌

### 卷之十九

人物名臣

### 二十八

藩變亂母劉促之入都曰補原官旋陞右諭德丙

至尊宵旰非臣子偃息時也入都補原官旋陞右諭德丙辰分校禮闈所得皆一時知名士歷遷左諭德左右庶子侍講侍讀學士詹事府少詹事

日講起居注官纂修實錄明史皇輿表繼修

政治典訓充總裁官琦學問淵博文章典雅尤精史朝

章國典熟悉周知詞林推爲領袖辦事勤凡所分纂

常先他人而成天性恬靜一切營求奔競之事皆恥

天子屬意嚮用丁卯春特擢內閣學士既入綸扉感荷

特達之知精白一心參贊密勿知無不言門無雜賓應酬

竿牘一切屏絕公望翕然會前所奉大吏某被劾牽連落職琦不自明單車歸里時年五十有三遂絕意仕途惟朝夕定省娛侍其親不須臾離側與其子弘

熹等講說經史訓課藝文嚴飭僮僕不預戶外臺一事足跡不至公庭門生故舊有在要路者未嘗通一

札  
駕南巡琦迎

鑾至無錫  
上曰朕多年不見盧琦可上前來琦俯伏陳謝

上甚悅隨  
駕來杭召至

行宮賜食賜  
御書常曰

聖主如天之恩無可酬報惟望後人世守清白無忘  
國恩而已執母喪哀毀盡禮每遇忌辰悽愴竟日待其兄

親愛兄璉歿於任所逋累甚多為之極力經營父執  
友王羽臣三喪未舉竭力助之琦性恭潔不取世資

故官登三品而家產不踰中人粗  
衣菲食處之泰然年七十二卒

### 高士奇

字澹人號江村世為浙之餘姚人曾祖見靈祖  
尚賢父允中士奇性醇謹嗜學通知古今補杭

郡博士弟子入太學為國子生釋褐詹事府錄事改  
內閣中書舍人擢翰林院侍講遷侍讀左右春坊左

## 錢塘縣誌

### 卷之十九

人物名臣

二十九

右庶子再遷侍講學士充日講官起居注陞侍讀  
學士歷詹事府正詹事而以春官卿終於家初士奇

在太學以書法應詔試第一試詩賦復第一供奉  
翰林院久之

上察公忠誠召入講經殿中士奇每進講輒敷陳大義  
附以啟沃自是屢承命入直大內賜第苑西士

奇自以不世知遇事  
上益謹

上亦益鑒士奇忠謂可大用時  
上留意翰墨天文有作必命賡和輒拜手立成於是

上思文學侍從之臣得盡如士奇者以備顧問遂詔  
舉博學宏詞時士奇直南書房矣更應制以詩文

獻當是時試者二百餘人擢官翰林者五十人皆儒  
學文章雋賢偉異之選士奇獨承殊恩賜宴太液

池士奇為人英敏擅經世才及臨事乃更祗懼貌謹  
厚言無文飾直陳肺肝故凡進對多蒙

上可退未嘗言所言於  
上者人或問之必曰

上聰明神聖事皆先知非小臣愚昧所敢參末議也且吾以文學進講讀外不知其他及纂輯

起居注頒賚優異詔曰爾勤勞獨甚諸所獻替皆關重大特以旌爾忠於是天下知士奇之有所言於

上特未嘗出而言於人耳士奇在館職講易講史記漢書春秋左傳而所撰次者

本朝聖德神功碑大清一統志政治典訓諸書高文典册多所參定其在外則出古北口出喜峯口至大烏

喇虞村望祀長白山輕裘騎從日數百里率以為常及

駕西征東巡河上南至於江浙皆以士奇從由是忌者因論他事蜚語連及亟請歸

上察其忠不許請之力乃許之既歸念士奇不置歲有詔月有賜其明年遣使臨問其明年

上幸浙道出西溪幸山莊共賦詩其明年賜御製詩有故人久別之句士奇跪讀捧泣已而詔入朝

士奇至命居舊所賜苑西第其明年奉天顏有喜

### 錢塘縣誌

### 卷之十九 人物名臣

三十

駕親征噶爾丹士奇旦夕蒞事不稍懈師還道陳母病乞終養

上為惻然改容抵京師疏入可其奏未幾即家陞禮部侍郎後二年

車駕時巡士奇扈蹕入都詔入暢春苑翌日辭歸賜宴淵鑿齋

上手酌卮酒飲士奇士奇感始終遭遇之隆至於泣下上慰勞再三賜

御製詩寵行而士奇望闕思親之情不勝眷戀道得疾遂不起遺表聞

上為哀悼詔尚衣監臨其喪賜金八百兩祭葬皆踰常典士奇博通經史尤長於著述所著書若講筵緒餘

春秋講義毛詩集解左傳紀事春秋地名列國君臣姓氏考天祿識餘金鰲退食筆記隨

駕所至有東西扈從日錄塞北小鈔登岱恭紀松亭行紀退食當湖有北墅抱甕錄江村銷夏錄歲時彙編

西間居讀書筆記所撰詩文有隨輦城北苑西歸田獨旦清吟竹意諸集共數十種計不下三百卷自人

御書直訖家居前後拜賜予靡間歲月  
衣畫錦有曰簡靜有曰清吟堂至所賜服御珍饌藥

上屢賜存問賜藥物詔其子翰林院庶吉士輿卽家食  
編修俸奉其祖母尤異數也戊子

南巡賜謚文恪  
上爲親書卒年五十有九

### 汪霽

字朝采號東川父樸霽幼而穎悟童時讀書數行  
俱下一再過終身不忘十歲爲文操筆立就才氣

橫溢不可一世爲童子試冠軍是年卽受知學使者  
補錢塘學生年二十授徒里塾家素貧無一畝之田

食指數百米鹽凌雜皆藉館穀以給糴殮壬子歲以  
第三人中式丙辰會試登進士第起家行人司行人

戊午  
上命內外大臣薦舉博學宏詞沈公荃以霽應

詔已未春  
召赴體仁閣下試璿璣玉衡賦省耕詩

## 錢塘縣誌

### 卷之十九

人物名臣

三十一

欽定一等第四名蒙  
恩改官翰林院編修纂修明史霽分纂志傳二十餘辛酉

典試陝西時同考多高年者閱卷不盡悉自取閱之  
闡牘四千餘無一遺者榜發皆孤寒知名士甲子秋

遷右春坊贊善霽俸次居後以原銜充  
日講官起居注戊辰三月

殿試讀卷霽適侍直時諸大臣皆以高年目昏燈下不能  
雜誦

上顧霽命至案前以次讀畢音節宏亮舉止舒徐  
天顏有霽隨舉試卷中甸稍縣都黨庠術序爲問霽悉舉

上御門事畢  
以對隨獲學問優長之目越數日

諭霽且留從容問家世及科第甚詳  
上筮曰是沈荃所取士乎又詢父母存歿霽以父母俱存

上省方南巡江浙霽以講官扈從在途蠲免錢糧及一切  
上諭多出霽撰擬

駕至杭甫駐蹕卽命霽到家省親且令住家中三日再赴

行宮辦事處從還京值會推祭酒引見遂蒙超擢太  
學陋規盡革除之其在成均以弘獎風流爲任季有  
試月有課甲乙不稍假時

上右文所開書局甚多

命總理通鑑綱目講義進呈輒蒙  
獎賞明年遭父母喪廬於墓次謝絕人事哭泣哀毀三年  
如一日經營窶窶盡哀盡禮庚辰

上召詞臣至澹寧居試  
皇太后萬壽無疆賦賜霽

御書臨董帖字一幅癸未秋補授翰林院侍講學士隨轉  
侍讀學士甲申春奉

旨以原銜充日講官起居注纂輯  
方畧不數月成書六卷進呈稱

旨陞詹事府詹事旋陞內閣學士兼禮部侍郎仍兼管詹  
事

召赴西暖閣甫就跪  
上卽命坐曰欲與爾言甚多恐爾不能久跪可就坐

### 錢塘縣誌

### 卷之十九 人物名臣

三十二

顧問移時始出乙酉春  
上南巡大臣皆扈從在閣辦事者止霽一人後大學士吳

行在既遠啟奏往返動須旬日恐誤三日封本之期閣中  
票墨批硃皆出一手同列皆嘆服以爲才大不可及

也編纂佩文韻府成陞授戶部右侍郎卽

諭仍兼正詹旋  
命纂輯佩文齋歷代詠物詩戶部素稱脂膏之地霽一塵

不少染指所親有笑其迂者曰公雖不取適以飽好  
胥之橐耳霽正色謂之曰吾受

聖主殊恩愧無尺寸之效可以仰答高厚所以潔已者非  
爲立名地祇期不負

君父不慚衾影此外非所計也八月主順天鄉試入棘後  
與副主考官贊善姚公某焚香告天誓以精白虛公不

負任使至意晝夜閱卷目不交睫若幾一月榜發論  
者謂其明且公與主秦試時無以異而得士之盛過

殿試讀卷時



上語諸大臣曰汪霽學問甚優去年鄉試賄賂請託朕可  
信其必無丙戌捷官者三十人今已丑復得二十  
二人會試榜首以一甲第二三人皆是科所得士  
也歸田後杜門不與戶外事惟日課子姪讀書  
或遇春秋佳日乘興出遊兩峯三竺間把酒賦詩悠  
然自得見者不知其為貴人也丁亥疾作彌留之際  
但云  
國恩未報無一語及家事卒年六十有六霽軀幹豐偉音  
吐宏暢性伉爽與人交不設城府然和藹近人雖處  
貴顯不立崖岸人以是樂親之其弟之子成祺正祺  
性孝友善讀書工詞翰霽嘗稱之曰  
此吾家玉樹也相繼早卒時論惜之

### 裘克美

字大文號敬亭儀觀秀偉少有文譽第丙辰進  
士由中書考選御史居官清介有風節巡視兩  
淮鹽漕兩淮數釐差第一不必脂韋而循例取贏動  
輒數十萬計人共艷羨之充美至盡革陋規不名一  
錢商人德之家故饒貲父居京師擅陶猗名而兄美  
刻苦澹泊矢操冰蘖禁餽餽遺絕宴會蕭然一室凡供

## 錢塘縣誌

### 卷之十九

人物名臣

三十三

帳飲食豪華之具揮斥迨盡時新立湖口關往來商  
賈困焉充美力言不可請徹之權使齟齬共相奏揭  
卒罷官去自登第歷官廢其先人遺業  
後人遷居吳門子巖生北直武清知縣

### 凌紹雯

字子文號止堂本仁亦徙錢塘父克充博學  
多文醇謹誠篤隱居教授紹雯生而穎異甫三  
歲母朱口授毛詩便能成誦稍長貧不能延師父親  
授四子六經進解大義無不領悟後受徒教學肆力  
於子史秦漢唐宋大家之文窮流泝源士羣推領袖  
焉丁巳登賢書計偕北上貧不能歸遂館京師戊辰

捷南宮  
殿試時能以

國書對策  
上閱卷嘉獎

欽授翰林院庶吉士辛未二月散館授翰林院編修充  
三朝國史明史纂修官教習庶吉士陞國子監司業仍充

平定沙纂修官共校  
方畧已卯主考四川閱卷公慎陞左春坊左中

日講官起居注

上顧近侍曰此漢人中第一人也乙酉復典陝西正主考

命上問秦中吏民年歲豐熟穀價幾何一一奏對又問此差

約至秦中地方官曾有饋送否紹雯奏言除途中費用

上曰寒士得千金可以數年支用矣謝

恩出陞翰林院侍講侍讀陞詹事府左春坊左庶子掌

口講官起居注內閣學士兼禮部侍郎紹雯為人清介自

守自庶常以至閣學不攜家累至都止寓居翰林院

官署所乘止一羸馬老僕三四人衣服浣濯者數十

年不忍棄飲食菲薄自甘不妄交遊閉戶讀占人書

兼授二室臨事介然不惑年七十一卒於官卹典

欽賜諭祭馳驛歸里門鄉里榮之

錢塘縣誌

卷之十九

人物名臣

三十四

傅感丁

字雨臣號約齋戊子舉於鄉公車北行夜見一

刑用薦擢大吏論部臣議本以言官數千百言之章僅

河藩諸庸議三字阻敢言之氣又論銓政當先科目

狃於無庸嚴冒濫論督撫薦舉當首清廉而次才能

論催習尚嚴冒濫論督撫薦舉當首清廉而次才能

所建言俱褒納出巡河東鹽政歸日惟琴書蕭然而

已歷太常大理僉都通政

念其為言官時有直聲特授副都御史尋以母喪歸籍

遂決意終老於鄉優游林泉者數年卒平生著述有

易博纂義古史集要古文彙編祥刑輯要舒嘯軒詩

楊鼎字靖調號西巖順治乙未進士授大名府推官蒞

任甫朞月

世祖章皇帝廉其才行取授戶科給事中

今上登極念邊郡軍旅疾苦乃以鼎充領

官時西川初闢撥秦兵鎮守并遷其家屬以實其地秦

兵甚苦之鼎至寧遂上言西川自憲賊屠戮後干

里無生人今以戍守之兵令其拋室廬挈妻子以填

虎狼之窟此非徙之實死之也古有踐更番休之制

詔從之改吏科例陞京職需次間

上特命以京卿俸管禮科事陞鴻臚卿尋轉通政使母老

以終養得請既而母卒服闋復具疏陳衰老自是杜

門却掃足跡不入公府坐卧一小室嘗曰人生幾何

東墻之陰寸移寸減良可惜也巡撫遂寧張鵬翻夜

詣其居見門巷蕭然僅一小童支戶簞雖

致身通顯猶不改儒生之素焉卒年八十

柴望字秩于號雲巖生而岐嶷年甫弱冠卽聯捷兩闈

王師四征過其邑者芻糧夫役部署咸當大同姜帥之叛

河北震動望望獨登陴固守城賴以全會豫省議開屯

田撫軍以望賢能授彰衛懷三郡同知尋遷守江南

池州其地瀕江多盜望廉獲渠魁置之於法其他大

家富室盜誣入籍者悉取焚之有巡按衛屬望誣列

石埭令罪狀望堅不從衛怒指為狗庇部議鐫一級

去任尋補福建運同力除藩商之害政者已而陞貴

州貴陽軍民知府適水西四郡苗民新闢往往出為

民害望立馬開諭莫不羅拜稱神君會艱歸服闋補

山東萊州守除豪惡釋無辜賑飢荒興學校懾強將

清墾田善政屢萊人感德及備兵甘山總理兵馬

錢穀外嘗以機事往來萬里振武將軍孫公極倚重

焉未幾觀察湖南滯獄一空遇有矜疑卽竟夕不寐

為囚求生既晉粵東方伯夙夜勵精奸胥斂手復揭

溺職守令數人屬員為之振攝且開書院以弘文教

嚴舟戶以塞盜源立法皆足為世師比以撫藩交接

儀注不合決志投簪歸里後惟與親知嘯傲湖山怡

情詩酒卒年七十有三葬邑大青嶺之陽子謙御史

孫載庸乙酉舉餘皆

明經文學能世其家

錢肇修字石臣號杏山少孤奉母至孝學問淵博工詩

輦下公卿皆折節與交登辛未科進士授河南洛陽令七

載潔已愛民用薦行取出郭門百姓攀轅者數十

錢塘縣誌

卷之十九

人物名臣

三十五

里擢監察御史條奏積貯分建倉廩備陳錢法指  
貪墨爲國家興利除害丰卓卓巡視北城治獄

多平反嚴懲奸猾不少寬假有優人倚勢豪橫當路  
側目肇修挺然執法顯貴胆懾直聲大振平居性恬

淡不治生產公餘輒讀書著有前後出塞詩鈔槩園  
詩餘千里樓稿舟中襍咏諸集妻林以寧字亞清進

士綸女亦工詩方宰河陽日衙齋蕭散薰爐  
茗椀則夫婦唱酬爲士林佳話有鳳簫樓集

**王益朋** 號鶴山初名聘領辛卯科卿薦尋改名登乙未  
科進士時

世祖章皇帝臨軒策士朋對策洽  
聖意擢二甲第一人選翰林院庶吉士散館改戶科給事

中遷兵科密疏劾閩鎮馬俊寶逆狀請檻車致  
闕下後俊寶以叛服誅朝士皆稱其能首發奸宄歷兵吏

二科朋在諫垣最久言論卓然有黃門奏議轉京卿  
會丁父喪服闋以病請告家居者數年復入都補太

僕寺少卿一夕與客談笑間忽疾作而殞身後棺衾  
俱不能辦其立朝清介可知矣方朋爲諸生時讀書

錢塘縣誌 卷之十九 人物名臣 三十六

海昌偶道出臨平夢身幻龍螭騰躍雲雷與  
史載李衛公行雨事畧同固知其非常人也

**邵遠平** 號戒山初襲舅氏吳姓名遠登康熙甲辰科進  
士選內弘文院庶吉士散館後改戶部主事奉

命督漕運充國史纂修官修  
世祖章皇帝實錄王子順天同考一時名人咸出其門轉

戶部正郎除江西提學修葺白鹿書院大興文教各  
郡皆有碑記時滇逆煽亂軍興旁午遠以儒臣兼理

軍芻其才大有過人者內擢光祿寺少卿舉博學宏  
詞科仍授翰林侍讀與修明史辛酉典試廣東陞春

坊庶子充  
日講起居注官轉翰林侍講學士陞少詹事侍講學士與

大清一統志尋致仕歸遠高祖經邦仕明世宗朝抗疏議  
修

大禮廷杖謫戍子康生上書訟父寃得還職時稱忠  
孝萃于一門經邦于戍所著弘道弘簡弘藝三錄遠

歸田後息影湖庄杜門絕客著續弘簡錄四十二卷  
晚年著述甚富自作年譜畧叙出處數大事尤篤族

誼窟歸日出千金予族人置腴田以供祭祀鄉人皆稱之遠屢典文柄再入承明迴翔翰苑數十年時人方之馬融張華

今上賜 御書蓬觀二字稱其職也四子錫蔭錫榮錫章錫光並有文名章光同登進士武林舊族代有聞人邵氏稱極盛云

### 顧祖榮

字山容號復齋為甲午舉人蒲縣令鼎銓之子登癸丑科進士選翰林院庶吉士留館授編修

命修 丙辰校士禮闈稱得士歷春坊贊善遷講讀奉

遷內閣學士兼禮部侍郎榮歷踐清班居京邸門不

施箔以蘆席蔽風雨每食蒸豆一器飯一盂而已性

至孝雙親在里累欲請告終以父命而止聞母喪徒

跌行國門哭泣感動行路終以哀毀致病卒有遺疏

云八十老父未遂終養君親兩負死有遺憾聞者傷

之榮善讀書精西銘皇極之學目披手抄終身不倦

## 錢塘縣誌

### 卷之十九

人物名臣

三十七

書法其餘事也子寧繩已卯舉人有文名

### 嚴曾渠

字方貽號獲菴戶部倉場侍郎沆之子曾渠少隨父任入太學登丁酉科鄉試甲辰成進士授

翰林院庶吉士改廣西道監察御史歷臺諫二十四

年不茹不吐多所建白每章疏入內外悉畏憚之有

伶人某冒籍入貲銓選得知縣曾渠以縣令民之父

母不可以梨園恣睢民上特疏極言而某方倚籍權

要左右代為彌縫曾渠幾蹈奏事不實之罪賴

主上聖明廉得其事立罷斥某而嘉其風節累官至通政

使時湖廣督撫相叅許下部議巡撫再呈疏辨曾渠

以封疆大臣不能同寅協恭今已發部議宜靜候處

分而乃更相訐訟不聽上擢都察院副都御史先是

父沆莅此職曾渠復踐其位談者以為自明迄今父

子相繼為之者僅兩見而已尋奉使祭北嶽山右

民挾持官吏擁馬首呼籲曾渠為宣

朝廷 累威德諭所司加意撫綏民乃服晉官兵部侍郎而卒

不及以故俸祿所入多不給而數日朝服會親朋友  
杯瓦器飲酒賦詩意豁如也卒之日柩不能歸僚友  
故吏下至貧賤卒皆涕泣  
致喪賻或典質以辦生芻者

### 裘充珮

字次章王子科順天鄉試副榜歷仕至光祿寺  
卿珮在諫垣日奏牘最多皆切中機宜如論六

部曹郎各有專責預定截取之法使朝無曠職如論  
錢法嘗清鑄私之源而行使之人不當從重擬在刑  
科尤審慎詳明凡有陳奏

上必允行

御試瀛臺直陳時事

欽定第一奉

命典祀南鎮挈法書名繪以行所過江山勝蹟著為

題詠珮以政事兼能文章卒之日朝野惜之

### 翁祖望

字渭公少從學於舅氏梁國成之門初授內府  
科郎與國成同魁浙榜已丑成進士初授內府

中書舍人邀

覃恩封及其父大椿望遂賈軸假省適有司禮延賔飲錦

## 錢塘縣誌

## 卷之十九

人物名臣

三十八

衣環侍鄉閭稱榮旋起拜監察御史巡視宣大有武  
紳素橫不法凡省方者至多陰為其所脅望獨毅不  
為楊甫下車即首疏以劾朝野震悚然卒以此失左  
右歡政成交量授為文選主政銓次肅清久之調考功  
員外郎同時皆早居顯要而望猶頭白為郎不勝馮  
唐之感遂乞歸里家居杜門惟自課弟姪讀書以毋  
墮家聲雍睦之風至今為世矜式有二子長必  
達歷官郡丞所至有能聲次必遂秉鐸象山

### 龔佳育

字祖錫號介岑起家龍驤衛經歷知安定縣用  
薦入為戶部主事歷兵部正郎遷山東按察司

僉事分巡通永以政績聞特擢江南布政使內遷太  
常卿改光祿卿育歷中外數十年並居錢穀要地而

朝廷欲大用育著洵京卿才二年

主知乃竟以勤勞卒野咸稔其才而猶惜其才之未盡

展也育為令清逋賦在戶曹豁浮糧任通永日除紅  
斛重稅抑伶人驕橫立執詐勅預捍強兵及治江  
財賦墾田至三十萬餘畝百世享其成而萬姓蒙

其惠所謂  
國家收用人之效者育不媿焉子翔麟為御史立朝有直  
聲讀書萬卷則育  
之家學又可知矣

**汪煜**

字寓昭號平齋先世新安曾大父臯謨遷錢塘父  
賡順治辛丑進士煜少好武挽強控馬膽力過人

後折節讀書閉戶絕迹家多藏書披摘無遺義行文  
兀傲自成一家言工詩閒淡古雅康熙乙丑成進  
士授貴州鎮遠縣故古大田溪洞多苗民難治煜  
撫馭有方帖然不為患興文勸義州民頌之戊寅遷  
吏科給事中掌登聞鼓院在職未久前後疏凡六上  
其大者條陳河工有造于淮淮民至今尸祝焉他若  
慎選學臣引見題補諸疏不避樞要號稱敢言煜初  
席豐饒以銳志學業不問生產家遂中落及官黃門  
無擔石儲死之日同官助殯時方倚重乃稽察錢法  
之

命下而疾亟矣所著有同岑草願學堂  
集南歸北征錄及平齋偶存諸稿

錢塘縣誌

卷之十九

人物名臣

三十九

**趙蒼壁**

字晉襄號團菴九歲父景和殉節廣德亂兵中  
僕錢義負匿脫于難家貧力學事寡母勞以孝

聞補博士弟子文行日有聲從游者稱聖水先生康  
熙戊午舉于鄉壬戌成進士授楚麻城令單車蒞任  
首罷圖差保歇諸病民事邑易輕生淫祀雉經投河  
二像立令役人毀之逮繫出郭村童扶其背忽日地  
曰邑侯神君也吾敢不亟去爾奈何余民由是醒  
然知自愛戊辰夏逢龍倡亂全楚振動蒼壁以所治  
當荆豫門尸申守議二十五條修城堡製砲石募鳥  
鎗手復團練卿兵為援儲米穀五千三百石有奇計  
口散給以安民民皆自奮亡何漢陽黃州被襲偽總  
兵某犯淋山河偽都督張漢一直趨岐亭勢甚蒼  
壁與家人訣曰勢危矣正臣子効命之秋也况吾父  
死封疆而我亦嬰此變分也約紳民誓死守晝夜環  
堞巡兩足潰癰無所卹妻蘓氏同心矢死忠憤彌勵  
事平

上廉得之特擢山西道監察御史時號敢言熱審減等例  
以小滿後十日始至六月止蒼壁奏請展限每歲得

廣邀生全著為令考校所拔皆名俊  
國家方柄用尋以勞卒朝野惜之所著有詩經性理全解  
字義考訂西陵治畧巡城詩集等書及琪樹堂文稿  
晚香亭詩稿長子荃奉樞南歸八會城治喪人皆稱  
之子蘓芝  
並有文名

### 徐旭齡

號敬菴順治乙未科進士授刑部主事移吏部  
員外郎典銓政八年轉禮部正郎改監察御史  
號直言巡視兩淮尤多惠政陟僉都御史巡撫山東  
會

上東巡得齡廉能狀  
特命總督漕政

上親勞其行齡遂上籌三便釐三害等疏凡遣使視河賑  
濟

上命與齡議之為  
朝廷倚重如此丁卯卒於官先一夕大星貫官舍傍計聞  
上震悼賜祭墓謚曰清獻齡先世居玉山父一鴻徙家錢  
塘仍授徒故里順治戊子山賊竊發鴻被害辛卯齡

## 錢塘縣誌

### 卷之十九

人物名臣

四十

往求父屍走邑之四都長號於途夕暝遇樵人止宿  
為言曾識鴻當求之西邨管平山中是夜夢父攜示  
死所且曰問之毛廿八齡即戴星往有一嫗見之曰  
君非徐先生子耶先生被害於魯家倉齡拜之復行  
風雷大作齡慟哭絕壑間有虎突躍過忽見童子跨  
牛背而歌齡扣之引入茅舍一老父出齡曰丈人非  
毛廿八乎老父驚駭告以故乃指空林間土微掩處  
齡恍忽如夢所惡嚙五指血沁之僅一綿衣裹之而  
歸鄉人奇其孝有繪徐孺子負骨圖者齡後歷  
通顯為時名臣古云求忠臣于孝子之門信然

論曰率土之濱莫非玉臣臣一也奚有於大小自聖

人以道事君之言出而大臣之品乃定顧必求其人

以實之則難矣夫聖人之指近而遠微而隱簡而嚴

小可則止蓋為季氏言之非專以責由求也他日語



定公不又曰事君以忠乎爲臣不易乎其刪書錄泰誓不又曰休休有容乎然則聖人亦聽人之自爲以合乎臣道之極而止特其間有際唐虞之盛焉有值時之不幸焉故曰難若夫臣之大小不一則其名亦不一在一邑有一邑之名在一府有一府之名而蒞封疆之重歷臺省之尊則名可及於天下使非智足以造謀才足以集事忠足以勤上惠足以存下其能流聲實於天壤乎然偏州遠邑求名實難而公孤卿尹一言可以造蒼生之福興萬世之利其致名尤易

宜乎爵位顯者其功名遠也余於新舊志考

本朝得人之多遠軼前代可謂盛已雖然鄭俠以安上門監而上流民圖陶魯以新會丞而能以三百人破大藤賊豈不係乎其人哉雖古名臣何以加諸